

**ՀԿԱԾ ԿԱՐԻՔՆԵՐԻ ՀԱՄԱՐ ԻՆՔՆԱՇԽԱՏ ՄՈԴՈՒՆՆԵՐԻ ՄՇԱԿՄԱՆ ԵՎ ԳՈՐԾԱՐԿՄԱՆ
ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ
ՊԱՅՄԱՆԱԳԻՐ N**

ք. Երևան

«11» 01 2022թ.

Հարկադիր կադարումն ապահովող ծառայությունը (այսուհետ՝ Պատվիրատու), ի դեմս գլխավոր քարտուղարի պաշտոնակատար Ա. Ավագյանի,

«Զեթ Թեքնոլոջի» սահմանափակ պատասխանատվությամբ ընկերությունը (այսուհետ՝ Կատարող), ի դեմս տնօրեն Դ. Գիշյանի, ով գործում է կանոնադրության հիման վրա, հիմք ընդունելով «Գնումների մասին» ՀՀ օրենքի 23-րդ հոդվածի 1-ին մասի 1-ին կետը, կնքեցին սույն պայմանագիրը (այսուհետ նաև՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Պայմանագրով Կատարողը պարտավորվում է կատարել Պատվիրատուի կարիքների համար մշակված, ներդրված, իր կողմից սպասարկվող էլեկտրոնային համակարգի կատարելագործման աշխատանքներ՝ Հավելված N 1-ում (Տեխնիկական բնութագիր) նկարագրված խնդիրների լուծման նպատակով (այսուհետ՝ Ծառայություն), իսկ Պատվիրատուն պարտավորվում է վճարել մատուցված և ընդունված Ծառայության դիմաց:

2. ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1. Պատվիրատուն իրավունք ունի՝

2.1.1. Ցանկացած ժամանակ ստուգել Կատարողի կողմից մատուցվող Ծառայության ընթացքը և որակը՝ առանց միջամտելու Կատարողի գործունեությանը.

2.1.2. Եթե մատուցվել է Պայմանագրի N 1 հավելվածով սահմանված Տեխնիկական բնութագրին չհամապատասխանող Ծառայություն՝

ա) չընդունել Ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Կատարողից պահանջել վճարել պայմանագրի 5.2 կետով նախատեսված տուգանքը և հրաժարվել պայմանագիրը կատարելուց ու պահանջել վերադարձնել Ծառայության գումարը կամ մատուցված Ծառայությունը ընդունել մի մասով՝ համաչափորեն նվազեցնելով Պայմանագրի 4.1 կետով սահմանված վճարը և այդ վճարի ու Ծառայության ընդունված մասի դիմաց վճարման ենթակա գումարի տարբերությունը իր ընտրությամբ հետ պահանջելով կամ հաշվանցելով Պատվիրատուի և Կատարողի միջև կնքված այլ պայմանագրերով Պատվիրատուի կողմից Կատարողին վճարման ենթակա գումարների հետ:

2.1.3. Միակողմանի լուծել Պայմանագիրը, եթե Կատարողն էականորեն խախտել է պայմանագիրը: Պայմանագրի խախտումն էական է համարվում, եթե՝

ա) մատուցված Ծառայությունը չի համապատասխանում Պայմանագրի N 1 հավելվածով սահմանված Տեխնիկական բնութագրի պահանջներին,

բ) խախտվել է Ծառայության մատուցման ժամկետը:

3.1. Ծառայությունը համարվում է մատուցված Պայմանագրով սահմանված ծրագրային համակարգը Ծառայության կողմից շահագործման ընդունելուց հետո: Մատուցված ծառայությունն ընդունվում է Պատվիրատուի և Կատարողի հանձնման-ընդունման արձանագրության ստորագրմամբ: Արձանագրության ստորագրման պահից Պատվիրատուն պայմանագրով սահմանված համակարգի նկատմամբ ձեռք է բերում սեփականության իրավունք՝ ներառյալ մտավոր գործունեության արդյունքների նկատմամբ բոլոր բացառիկ իրավունքները:

3.2. Հանձնման-ընդունման արձանագրությունը ստորագրվում է, եթե մատուցված Ծառայության արդյունքը համապատասխանում է պայմանագրի պայմաններին: Հակառակ դեպքում պայմանագրի կամ դրա մի մասի արդյունքները չեն ընդունվում, հանձնման-ընդունման արձանագրությունը չի ստորագրվում (բացառությամբ Պայմանագրի 3.4 կետով սահմանված դեպքերի), և Պատվիրատուն և Կատարողը հարցի կարգավորման համար ձեռնարկում են նման իրավիճակի համար Պայմանագրով նախատեսված միջոցները կամ Պատվիրատուն Կատարողի նկատմամբ կիրառում է Պայմանագրով նախատեսված պատասխանատվության միջոցներ:

3.3. Պատվիրատուն հանձնման-ընդունման արձանագրությունը ստանալու օրվան հաջորդող աշխատանքային օրվանից հաշված 7 աշխատանքային օրվա ընթացքում Կատարողին է ներկայացնում հանձնման-ընդունման ստորագրված արձանագրության մեկ օրինակը կամ ծառայությունը չընդունելու պատճառաբանված մերժումը:

3.4. Ծառայության մի մասը (Հավելված N 1-ով սահմանված առնվազն երեք մոդուլ) պատշաճ մատուցված լինելու, իսկ մյուս մասը՝ Պայմանագրի N 1 հավելվածով սահմանված Տեխնիկական բնութագրին չհամապատասխանելու, սահմանված ժամկետի խախտմամբ մատուցվելու, չմատուցվելու, այդ մասի մատուցման անհնարինության կամ այլ պատճառներով Ծառայության մի մասն ընդունելու անհնարինության դեպքում Ծառայությունը կարող է ընդունվել միայն պատշաճ մատուցված մասով: Մատուցված Ծառայությունը մի մասով ընդունվում է Պատվիրատուի և Կատարողի հանձնման-ընդունման արձանագրության ստորագրմամբ՝ Պայմանագրի 3.1 և 3.3 կետերով սահմանված կարգով:

3.5. Մատուցված Ծառայության վերաբերյալ Պատվիրատուի դիտողությունները ներկայացվում են Ծառայությունը մատուցված լինելու վերաբերյալ Կատարողի ծանուցումը և/կամ հանձնման-ընդունման արձանագրության նախագիծը ստանալուց հետո 7 աշխատանքային օրվա ընթացքում: Այդ ժամկետում Պատվիրատուի կողմից դիտողություններ չներկայացվելու և ակտը չստորագրվելու դեպքում մատուցված Ծառայությունը համարվում է չընդունված:

4. ՊԱՅՄԱՆԱԳՐԻ ԳԻՆԸ

4.1. Սույն պայմանագրով Կատարողի կողմից մատուցման ենթակա ծառայության գինը կազմում է 3 000 000 (երեք միլիոն) ՀՀ դրամ: Գինը ներառում է Կատարողի կողմից կատարվող բոլոր ծախսերը, այդ թվում՝ հարկերը, տուրքերը և ՀՀ օրենսդրությամբ սահմանված այլ վճարները: Պատվիրատուի կողմից Կատարողին վճարումների ժամկետները սահմանվում են կից Հավելված N 2-ով:

4.2. Սույն պայմանագրի 3.4 կետով սահմանված դեպքում Կատարողի կողմից մատուցման ենթակա ծառայության համար վճարման ենթակա՝ Պայմանագրի 4.1 կետով սահմանված վճարը

համաչափորեն նվազեցվում և հաշվարկվում է՝ հիմք ընդունելով պատշաճ մատուցված ծառայության և Պայմանագրի N 1 հավելվածով սահմանված Տեխնիկական բնութագրին համապատասխանող ամբողջական ծավալով ծառայության հարաբերակցությունը: N 1 հավելվածով սահմանված մեկ մոդուլի ուղենիշային արժեքը, անկախ կատարման ենթակա աշխատանքների ծավալից, հաշվարկվում է 600 000 (վեց հարյուր հազար) ՀՀ դրամ: Պայմանագրի 4.1 կետով սահմանված գումարի և Ծառայության ընդունված մասի դիմաց վճարման ենթակա գումարի տարբերությունը Պատվիրատուի ընտրությամբ վերադարձվում է կամ հաշվանցվում է Պատվիրատուի և Կատարողի միջև կնքված այլ պայմանագրերով Պատվիրատուի կողմից Կատարողին վճարման ենթակա գումարների հետ:

4.3. Պայմանագիրը վաղաժամկետ լուծելու դեպքում լուծմանը նախորդող ժամանակատվածում վճարված գումարը Պատվիրատուի ընտրությամբ վերադարձվում է կամ հաշվանցվում է Պատվիրատուի և Կատարողի միջև կնքված այլ պայմանագրերով Պատվիրատուի կողմից Կատարողին վճարման ենթակա գումարների հետ:

4.4 Պայմանագրից բխող բոլոր վճարումները կատարվում են ՀՀ դրամով, անկանխիկ եղանակով՝ դրամական միջոցները Կատարողի հաշվարկային հաշվին փոխանցելու միջոցով:

5. ՊԱՏԱՍԽԱՆԱՏՎՈՒԹՅՈՒՆԸ

5.1. Կատարողը պատասխանատվություն է կրում Պայմանագրով նախատեսված Ծառայության մատուցման պայմանների չպահպանման համար:

5.2. Մատուցված Ծառայությունը Պայմանագրի N 1 հավելվածում նշված տեխնիկական բնութագրի որևէ հատվածին չհամապատասխանելու յուրաքանչյուր արձանագրված դեպքում Կատարողից Պատվիրատուի օգտին Պատվիրատուի պահանջի հիման վրա գանձվում է տուգանք՝ պայմանագրի 4.1 կետում նախատեսված գումարի 0,05 (զրո ամբողջ հինգ հարյուրերորդական) տոկոսի չափով:

5.3. Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.4. Տույժերի և տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ ՄԱԺՈՐ)

6.1. Պայմանագրով և դրա հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և որը կողմերը Պայմանագիրը կնքելու պահին չէին կարող կանխատեսել կամ կանխարգելել, իսկ այն ծագելուց հետո չեն կարող հաղթահարել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք ուղղակիորեն անհնարին են դարձնում սույն պայմանագրով ստանձնած պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ

մասին նախապես տեղյակ պահելով մյուս կողմին:

6.2. Կողմը, որի՝ Պայմանագրով ստանձնած պարտավորության կատարումն անհնարին է անհաղթահարելի ուժի ազդեցության հետևանքով, պարտավոր է Պայմանագրի մյուս կողմերին այդ մասին ծանուցել՝ անհաղթահարելի ուժ հանդիսացող հանգամանքներն ի հայտ գալու պահից 3-օրյա ժամկետում:

7. ԱՅԼ ՊԱՅՄԱՆՆԵՐ

7.1. Պայմանագիրն ուժի մեջ է մտնում ստորագրման պահից:

7.2. Ծառայության մատուցման համար սահմանված է երեք ամիս ժամկետ: Ծառայության մատուցման ժամկետը կարող է երկարաձգվել Կողմերի համաձայնությամբ մեկ անգամ մինչև 60 օրացուցային օրով:

7.3. Պայմանագրից ծագած պահանջի իրավունքը չի կարող փոխանցվել այլ անձի առանց պարտապան կողմի գրավոր համաձայնության:

7.4. Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5. Պայմանագրում փոփոխություններ և լրացումներ կարող են կատարվել միայն փոխադարձ համաձայնությամբ՝ համաձայնագիր կնքելու միջոցով:

7.6. Սույն պայմանագիրը կնքված է հայերենով, ստորագրված է երկու օրինակից, որոնք ունեն հավասար իրավաբանական ուժ: Պայմանագրի հավելվածները պայմանագրի անբաժանելի մասն են: Պատվիրատուին և Կատարողին տրվում է Պայմանագրի մեկական օրինակ:

7.7 Սույն պայմանագրի նկատմամբ կիրառվում է Հայաստանի Հանրապետության իրավունքը:

8. ԿՈՂՄԵՐԻ ՏՎՅԱԼՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

ՀԱՐԿԱԴԻՐ ԿԱՏԱՐՈՒՄՆ ԱՊԱՀՈՎՈՂ ԾԱՌԱՅՈՒԹՅՈՒՆ

ք. Երևան, Հալաբյան 41ա
ՀՎՀՀ 01223338
Հ/Հ 900011288025
Կենտրոնական գանձապետարանի
գործառնական վարչություն

Գլխավոր քարտուղարի
պաշտոնակատար **Ա. Ավագյան**



Կ.Տ.

«ՁԵԹ ԹԵԲՆՈԼՈԳԻ» ՍՊԸ

ք. Երևան, Սիսակյան 22, բն. 106
ՀՎՀՀ 00125657
Հ/Հ 1930047614510100
«Կոնվերս Բանկ» ՓԲԸ

Տնօրեն **Գ. Գիշյան**



Կ.Տ.

Հավելված N 2

Հարկադիր կատարումն ապահովող ծառայության և
«ԶԵԹ ԹԵԲՆՈԼՈԳԻ» ՍՊԸ-ի միջև
«___» _____ 2022թ. կնքված N ____ պայմանագրի

ՎՃԱՐՈՒՄՆԵՐԻ ԺԱՄԱՆԱԿԱՑՈՒՅՑ

2022 թվականի հունվար	1 000 000 ՀՀ դրամ
2022 թվականի փետրվար	1 000 000 ՀՀ դրամ
Հանձնման-ընդունման արձանագրությունը ստորագրելու օրվանից 15 օրվա ընթացքում	1 000 000 ՀՀ դրամ

**ՀԱՐԿԱԴԻՐ ԿԱՏԱՐՈՒՄՆ
ԱՊԱՀՈՎՈՂ ԾԱՌԱՅՈՒԹՅՈՒՆ**

ք. Երևան, Հալաբյան 41ա
ՀՎՀՀ 01223338
Հ/Հ 900011288025
Կենտրոնական գանձապետարանի
գործառնական վարչություն

Գլխավոր քարտուղարի
պաշտոնակատար **Ա. Ավագյան**

«ԶԵԹ ԹԵԲՆՈԼՈԳԻ» ՍՊԸ

ք. Երևան, Սիսակյան 22, բն. 106
ՀՎՀՀ 00125657
Հ/Հ 1930047614510100
«Կոնվերս Բանկ» ՓԲԸ

Կ.Տ.

